



Brev dato: 26-05-2026

Uunga: Inatsisartuni ilaasortaq
Pele Broberg, Naleraq

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Arctic Endurance pillugu § 37 naapertorlugu apeqqut nr. 079-mut akissut

Asasara Pele Broberg

Ulloq 15. Maj Inatsisartut Suleriaasianni § 37, imm. 1 naapertorlugu naalakkersuisunut apeqquteqarputit. Apeqqutit uannut akineqartussanngorlugit innersuunneqarput.

1. Naalakkersuisut uppersarsinnaavaat sungiusarnek Arctic Endurance aallaqqaammut qallunaat siuttuliullugit sakkutuunik nunat NATO-mut ilaasut peqatigalugit sungiusaqatigiinnerattut aallarteqqaarsimasoq, kingornalu NATO-p Issittumi alapernaarsuineranut (Arctic Sentry) ilanngunneqarsimasoq?
2. NATO-p sinaakkutissai erseqqissut suli saqqummiunneqanngitsut sooq Naalakkersuisut Danmarkip siulersuineratigut nunallu NATO-mut ilaasortaasut peqatigalugit Kalaallit Nunaanni sakkutooqarnerulernissaq akuerisimavaat?
3. Naalakkersuisut isumaqarpat Danmarkip NATO-mut ilaasortat Kalaallit Nunaanni sakkutooqarnissamut qaaqqummagit, tamanna NATO-p iluani pinersoq qulakkeertinnagu, naleqqulluartusoq?
4. Naalakkersuisut nalilerpaat Danmarkip siulersuineratigut NATO-p sinaakkutissaasa avataani nunanik NATO-mut ilaasortaasunik aalajangersimasunik sakkutooqarnerulerneq akkerliinnermik annertusisitsinnanersoq, ingammik USA aamma NATO-mut ilaasortaammat?
5. Naalakkersuisut danskit naalakkersuisuinut nassuiaaqqullugu qinnuteqarsimappat sooq aallaqqaammulli NATO-p siulersuineratigut erseqqissumik aaqqissuussaasumillu iliuuseqartoqarsimannginneranik?
6. Nunat sorliit Danmarkip Kalaallit Nunaannut qaaqqusisimanerai, taakkualu sakkutuunik, timmisartunik, umiarsuarnik allatigulluunniit ikiuiniarlutik aallartitsinnatik Naalakkersuisunut ilisimatitsissutigineqartarsimappat?
7. Naalakkersuisut ilisimatitsissutigisinnaavaat nunat allamiut sakkutuuisa Kalaallit Nunaanniissinnaanerai akuerisinnaanerlugu

akuerineqarsinnaannginnersorluunniit, imaluunniit qallunaat
aalajangiinerisa kingorna aatsaat Naalakkersuisunut
nalunaarutigineqartarsimava?

8. Arctic Endurance NATO-p Issittumi alapernaarsuiffianut (Arctic Sentry) ilanngutinnagu nunanit allanit Kalaallit Nunaanni sakkutooqarnermut tunngatillugu ikiuuttartut qanoq naalakkersuisoqarsimanersut Naalakkersuisut ilisimatitsissutigisinnaavaat?
9. Naalakkersuisut isumaqarpat Kalaallit Nunaata isumannaatsuunissaa NATO-p ataatsimut sinaakkutissai atorlugit isumagineqartariaqartoq, imaluunniit isumaqarpat Danmark NATO-mit avissaaqqalluni Kalaallit Nunaanni immikkut sakkutooqarnikkut suleqatigiittoqarsinnaasoq?
10. Arctic Endurance-mi qallunaat NATO-mut suleqataasut siuttuuffigalugit aallartinnerani kingornalu NATO-p Issittumi alapernaarsuiffianut (Arctic Sentry) ilaalermat Naalakkersuisut isumannaallisaanermut politikkiminnik allannguippat?
11. Naalakkersuisut siunissami piumasaqassappat nunat NATO-mut ilaasortaasut Kalaallit Nunaanni sakkutooqarnissaat NATO-p sinaakkutai erseqqissut tunngavigalugit aamma Kalaallit Nunaanni politikkikkut isumasiorneqaaqluni pissasoq?
12. Naalakkersuisut piumasaqassappat Danmark siunissami nunanit allaneersunit sakkutooqarnikkut Kalaallit Nunaannut qaaqqusissasoq Naalakkersuisunik Inatsisartullu ataatsimiititaliaannik tamatumunnga attuumassuteqartumik oqaloqateqartinnani?
13. Naalakkersuisut isumaqarpat Arctic Endurance pillugu suliap ingerlanneqarnera Kalaallit Nunaata sillimaniarnermut politikianik aqutsisinnaaneranik nukittorsaataanersoq sanngiillisaasorluunniit?
14. Naalakkersuisut Inatsisartunut nassuiaatissamik saqqummiussissappat Arctic Endurance qallunaanit siulersorneqarluni sungiusarnerusoq aamma NATO-p Issittumi alapernaarsuiffianut (Arctic Sentry) ilaasoq qanoq assigiinngissuteqarnermut, ilaatigut naalakkersuieriaatsip aaqqissuussaanera, pisinnaatitsissutit, nunat peqataasut aamma Kalaallit Nunaat peqataatinneqarnerat pillugit?
15. Naalakkersuisut isumaqarpuata Kalaallit Nunaata isumannaatsuunissaa NATO-p ataaniissasoq, taava sooq Naalakkersuisut Danmark NATO-p pisortatigut sinaakkutai avaaqqullugit, ilaasortaanik qaaqqusinerannik akuersippat?

Akissut: Arctic Endurance Issittumi sakkutuut sungiusarnermik ingerlataarat danskinit aqunneqartoq. Taanna iligisat, januaarip 2026-p kingorna ingerlaavartumik sungiusarnermut peqataasussanik allartitsisartut, qanimut suleqatigalugit ingerlanneqartarpoq. Nunat peqataatitsisarnerminnik tamanut saqqummiussisut ilaatigut tassaapput, Nederlandene, Tysaklandi, Frankrigi, Sverige, Norgi Tuluillu Nunaat. Arctic Endurance januaarimi 2026-mi aallartinneqarpoq, sungiusarnermullu Arctic Assurancemut 2025-meersumut ingerlatitseqqiinerulluni. Naalakkersuisut sungiusarnerup sinaakkutaasa ilusilersorneqarnerannut qanimut akuutinneqarlutillu nunanit tamanit peqataatitsinermut isumaliuteqarnermut ilaatinneqarput. Tamatuma saniatigut Inatsisartuni partiit siulittaasui Inatsisartullu Nunanut allanut Sillimaniarnermullu Ataatsimiititaliaat sungiusarnerit pillugit paasissutissanik isertuussassanik ilisimatinneqarnissaminut neqeroorfigineqarnikuupput.

Arctic Endurance Arctic Sentry-mik suliniutip, NATO-mit ulloq 13. februar 2026 nunanik NATO-mut ilaasortanit tamanit tapersersorneqarluni aallartinneqartup ataani sungiusarnertut ilaavoq. Arctic Sentry NATO-p suliniutiginngilaa, sinaakkutaavorli suliniutaareersut siunissamilu nunanit NATO-millu aaqquissuunneqartunik Issittumi suliniutit pioreersut siunissamilu suliniutaasussat assigiissarnissaannik ataqatigiinnissaannillu qulakkeerinnittussaq. NATO-p ataatsimut Iligiit piffiit akisussaaffiisa avannaata tungaannittunik qunulersitsinissamik ataatsimut piginnaaneramik qulakkeerinnittussaq.

Arctic Endurance suli danskinit siulersorneqarpoq siulersorneqarnermillu aaqquissuussamut nutaamut imaluunniit Arctic Sentryp aallartinneqarnerata kinguneramik piginnaatitsissummut ikaarsaarsimanani.

Taamaalilluni Arctic Endurancep danskinik siulersorneqarluni sungiusarnerup Arctic Endurancellu Arctic Sentryp ataani sungiusarnertut sinaakkutaat assigiinngissuteqanngillat. Arctic Endurance Kalallillu Nunaata tassani akuunera NATO-p Arctic Sentrymik aallartitsineranut pitsaasumik ilapittuivoq.

Inussiarnersumik inuulluaqqusillunga



Múte Bourup Egede